

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 63. Commentarius Hieronymi a S. Fide.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

Sæcul. XV. Ecclesiæ, & pro tuenda Pontificis auctoritate quotannis tres triremes, & necessarias Pontifici suppeditaret copias.
A.C. 1412.

§. LXIII.

Commentarius Hieronymi a S. Fidei

Inter pluriimos Judæos, quos Vincentius Ferrerius sacro fonte ablutos Christo reconciliabat, merito recensendus est celebris ille Josue Halorki, alioquin dictus Lurki, Benedicti XIII. Archiater, qui in sacro Baptismatis lavacro nomen Hieronymi a sancta Fide adeptus erat. Hic cum Christiana sacra amplexatus esset, Anno Domini millesimo quadrageentesimo duodecimo duos tractatus aduersus Judæos elucubravit, alterum de mediis refutandi & convincendi Judæos; alterum de erroribus Thalmuth. Primus coram Benedicto Papa, ejus Cardinalibus, & numero Doctorum consilio perfectus est. In eo ostendit, quod viginti quatuor illæ conditiones, quas pro veri Messiae adventu ipsimet Judæi necessario verificantur statuunt, jamjam secundum sacrae paginæ testimonia, & proprias Rabbiorum traditiones in Christo Domino impletæ fuerint. In altero errores & Thalmuthi deliria confutat, demonstraque, in eo Charitati, juri naturali, Divi-

Bibl. Patr.
tom. 4.

no Cultui, Legi Mosaicæ contraria, & sæcul. XV.
Blasphemias contra JEsum Christum con- A.C. 1412.
tineri. Ex hujus commentarii lectione
multi Judæorum Christo nomen dederunt,
quo factum, ut coram Benedicto XIII
cum illis plura instituerentur colloquia;
in quibus Hieronymus a S. Fide inter
ceteros propugnatores unus eminebat,
semperque totus disputationis cardo in
principiis, quæ ex ejusdem libris depon-
pta fuere, vertebatur, nec sine ingenti
animarum lucro, exinde enim longe plu-
res adhuc ad Christianorum castra trans-
ibant, quo tamen Neophytus hic mul-
tos aduersus se Antagonistas excitabat.
Quos inter Rabbinus quidam nomine
Isacc Nathan edito libello, cui titulus:
Refutatio seductoris Hieronymo respon-
dit. In arenam quoque descendit iti-
dem Rabbinus Dom Vidal Filius Levi,
qui dissertationi suæ titulum: *Sanctus*
Sanctorum, præfixit. Verum horum re-
sponsa nunquam typis vulgata fuere. In-
super exstat alterius cuiusdam libelli me-
moria aduersus Hieronymum a S. fide
compositi, cuius authographum scriptum
asservatur Lugduni Batavorum in Biblio-
theca, nomenque præfert: *Opprobrio-
rum liber.*

S. LXIV.